



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Enchiridion Sev Manuale Episcoporum Pro Decretis in
Visitatione, & Synodo, de quacumque re condendis.**

Gavanti, Bartolommeo

Venetiis, 1650

Festi dies.

urn:nbn:de:hbz:466:1-9534

7. Triennium sufficit incœpisse, antequã esse Episcopus. decisum refert Garz. de benef. par. 2. capitul. 5. numero 83.
8. Debet esse continuum. Campanil. in diu. iuris canon. rubr. 9. capitul. 9. num. 12.
9. Beneficium statim ei est conferendũ. decisum refert Garz. d. cap. 5. numero 95.
10. Et sufficit beneficium simplex in aliena Diœcesi. Congreg. Conc. 26. Maij 1590.
11. Etiam ad titulum pensionis ordinari potest. decisum refert Garz. d. cap. 5. nu. 81. 82.
12. Etiam ad titulum patrimoniij pro necessitate, & commoditate Ecclesie Episcopi, & debet ascribi illi Ecclesie. decisum refert idem *ibid.*
13. Licet ordinandus sit Ultramontanus, ordinari potest, vt supra. Congr. Episc. 12. Ianuar. 1618.
14. Non potest tamen Episcopus dispensare cum familiari super illegitimitate, etiam ad minores ordines, neque super interstitijs. decisum refert Garz. loc. cit. nu. 86.
15. Postquam fuerit ordinatus titulo beneficij collati, erit Episcopo subditus, & sic cum eo dispensare poterit in interstitijs. decisum refert Armendar. loc. cit. nu. 50.
16. Non potest admitti ad cœcursum Parochialium, nisi per obitum. decisum refert Genuens. in Praxi 1. edit. cap. 66. V. Exempti nu. 4.

A D D I T I O.

1. Collatio beneficij requiritur etiam ad primam tonsuram familiaris Episcopi. Barb. cum alijs de pot. Episc. alleg. 5. nu. 11.
2. Beneficium statim conferendum, hoc est, intra decem circiter dies. Molfes. cum alijs in suum. tr. 2. c. 2. nu. 9.
3. Ratio ordinationis, & litterarum dimissorialium ad alium Episcopum in casu familiaris est. ead. Barb. loco cit. n. 16.
4. Potest Episcopus dispensare in interstitijs cum suo familiari, si reliqua à conc. Trid. præscripta adsint; DD. cum Diana 3. part. tract. 4. de sacram. resol. 190.

Festi dies.

1. Non potest Episcopus sacrare dies festos iis, qui non sunt auctoritate Apost. relati in sanctorum numerũ. Sanchez in præcepta Decal. lib. 2. c. 43. nu. 9. & Azor. p. 2. lib. 1. c. 26. quest. 1. 4.
2. Solus Episcopus potest statuere dies festos, vocato populo, vt ab eo audiat, an nimis grauetur. Barbof. de pot. Episc. alleg. 105. nu. 36.
3. Potest indicare festa in Synodo sine populi consensu. M. Ant. Genuens. in praxi cap. 51. vbi resp. ad tex. in cap. fin. de ferijs.
4. Potest Episcopus indicare festa vsque ad meridiem tantum, & populus tenetur audire Missam. Azor. loco citat. quest. 8.
5. Parcissimus sit Episcopus in institutione festorum. Sayrus in clari reg. l. 7. cap. 3. nu. 16.
6. Colantur festa vsu, vel publico voto inducta. Prou. 3.
7. Festa de præcepto communia toti Ecclesie sunt. Natiuitatis Domini, Resurrectionis, Ascensionis, Pentecostes, Epiphaniae, Corporis Christi, Circumcisionis Domini; Duæ feriae post Pascha, & Pentecosten: sed hæc ex consuetudine. Azor. infra. Assumptionis, Natiuitatis, Purificationis, Annunciationis B. Virginis, Natiuitatis S. Io. Baptistæ, SS. Apostolorum Petri, & Pauli, Natal. duodecim Apostolorum, S. Stephani, Sancti Laurentii, Dedicacionis S. Michaelis Archangeli, Omnium Sanctorum, Inventionis S. Crucis. Hæc Syllu. V. Dominica. q. 1.
8. De consuetudine vniuersali sunt festa S. Nicolai, S. Antonii, S. Catharinæ. idem *ibid.*
9. Item SS. Innocentium, & S. Syluestri, standum est consuetudini. idem *ibid.* & Azor. cum alijs p. 2. l. 1. c. 25.
10. De S. Martini festo idem docet Azor. *ibid.*
11. Festum S. Marci non est de præcepto, iure communi. Azor. *ibid.* nisi vbi est consuetudo.
12. Festum S. Ioseph est vbique de præcepto. Greg. XV. An. 1621.

- 13 Festum item S. Annæ. Idem Anno 1622.
- 14 Item Festum S. Francisci. Congr. Rit. die 3. Ian. 1622. & in Tabella est Romæ edita Anno 1631. de festis ubique de præcepto.
- 15 Decreto euilgentur festa de præcepto, & de consuetudine, vel voto, & in Calendario notentur cum vigilijs de præcepto. Prou. 3.
- 16 Ea denunciet Parochus die Dominico præcedente: & doceat de agendis eo die. *ibid.*
- 17 Denunciet etiam Indulgentias, Stationes, orationes, processiones, & officia defunctorum in Parochiali obeūda. *ibidem.*
- 18 Abstineant ab opere seruili, mercatus ne fiant; negotiationes, & iudiciorū strepitus quiescant. Pius V. A. 1566.
- 19 Licet diebus festis dare operam rebus ad vitam necessarijs tempore perituris, vel ubi necessitas urgeat, aut pietas suadeat iudicio Ordinarij. decisum refert Quar. V. *Dies festis.*
- 20 Nundinæ occurrentes in die festo, quæ fiunt qualibet hebdomada, fiant in præcedenti feria; quæ vero semel in anno, tolerari possunt post celebratam Missam maiorem. Congregat. Episc. Aug. 1592.
- 21 Ne fiat apparatus pro nundinis, mercature, quæ in sequentem cadant diem post festum. Prou. 3.
- 22 Ne quid ematur, aut vendatur, præter id, quod ad victum illius diei, seu agrotos attinet. Prou. 1.
- 23 Non tamen ea venalia propè Ecclesiam proponantur. Prou. 3.
- 24 Neque ibidem eorundem tentoria, rastræ sint quibus illa exponuntur, excepto pane, defendendo à Sole, vel à pluuia. *ibid.*
- 25 Neque officinæ sint apertæ, sed ostium tantum. *ibid.*
- 26 Certa item hora vendendi præscribitur. *ibid.*
- 27 Ne exigantur collectæ, taleæue in opidis, & præsertim tempore, diuinorum officiorum, concionis, processionis, doctrinæ Christianæ. Prou. 3.
- 28 Neque libri, imaginesque venales proponantur. *ibid.*
- 29 Ne, quæ ad alex. vsum, laruæ, vestes personatorum vendantur, aut locentur. *ibid.*
- 30 Neque commestationes in honore Sanctorum, ludij, aliæue profanæ actiones, neque comediæ, hastiludia, spectacula fiant. *ibid.*
- 31 Saltationes, tripudia, choreæue ne fiât, dum diuina celebrantur officia. *ibid.*
- 32 Ne circulatores, & eiusmodi quidquam vendant, ne medicamenti quidem prætextu. *ibid.*
- 33 Tonforibus, pistoribus, futoribus, calcearijs, & eiusmodi præscribantur certæ regulæ. *ibid.*
- 34 Ecclesiastici non suscipiant iter, nisi vrgenti de causa: Laici verò, vel prius audita Missa. Prouinc. 5.
- 35 Non excusentur puellæ nobiles, aut viduæ à Missa audienda, cuiusuis consuetudinis prætextu. Prou. 1.
- 36 Neque testes dicant testimonium, nisi in causis, in quibus licet die festo iuramentum deferre: & hæc etiam in foro laicorum feruentur. Prou. 4.
- 37 Ne torqueantur rei, nisi criminis atrocitas aliud exigat. *ibid.*
- 38 Causæ alimentorum tractari possunt coram Episcopo in die festo. Sæ. *Alimenta.*
- 39 Regulares seruent festa, & ieiunia pro locorum consuetudine. Prou. 5.
- 40 Si dies festus incidat in diem vigiliæ de præcepto, omninò seruetur ieiuniū. Prou. 6.
- 41 Festum Sancti Titularis Ecclesia Parochialis colatur etiam cum vigilia, hortante Parocho suas oues. Prouinc. 3.
- 42 Post Vesperas, saltem de libro, vita Sancti Titularis enarretur, ex auctore probata. *ibid.*
- 43 Si adsit corpus, vel insignis Reliquia, eo die, & campanarum sono, & luminum apparatu diuina officia celebrentur. *ibid.*
- 44 Principes & Magistratus inuitentur ad Ecclesiam Cathedralē in solemnioribus festis, & ad processiones. *ibidem.*
- 45 Pro licentia operandi in die festo nihil imponatur titulo elemosinæ, nisi hortando. Congregat. Episcop. 27. Nouemb. 1594.

- 46 Parochus non potest dare licentiam operum in die festo, nisi consentiente Episcopo. eadem 18. Iulij 1594.
- 47 Superiores laici non possunt dare licentiam, & si dent, nulla est, & possunt puniri ab Episcopo. Barb. de potest. Episc. alleg. 105. num. 42.
- 48 Potest Episcopus procedere contra laicos non obseruantes festa. ex Bulla Pij V. supra citata.
- 49 Potest, & laicus iudex procedere contra eosdem. Congreg. Episcop. 21. Augusti 1615.
- 50 Pœna incurritur arbitrio Ordinarij, vel Magistratus, etiam amissionis animalium. Pius V. sup.
- 51 Præuentioni sit locus. *ibid.*
- 52 Pro officinis apertis, rebusuè venditis, etiam pater, dominus, & artifex pœnam subeat. Prou. 1.
- 53 Non locentur pœnæ ex violatione festorum, sed applicentur locis pijs, eo loci, & in quo soluuntur. Congregat. Episc. 22. Maii. 1590.
- V. Casus reseruati. num. 14. Excommunicatio. num. 21. 33. Licentia. num. 1. Regularium iura sub Episcopis. num. 26.

A D D I T I O.

- 1 Ad Vicarium potius foraneum, non ad Archipresbyterum spectat dare licentiam operandi die festo. Cong. Episc. 18. Nou. 1597.
- 2 Debet autem hac de re licentia dari in scriptis. ead. 21. Aug. 1615.

Fidei Professio.

- 1 Prouisi de beneficijs quibuscumque animarum curam habentibus. tenentur à die adeptæ possessionis ad minus intra duos menses coram Episcopo, seu Vicario fidei facere professionem. Trid. sess. 24. cap. 12.
- 2 Canonici, & Dignitates Cathedralium, & coram Episcopo, & in Capitulo tenentur. *ibid.*
- 3 Et portionarii, qui sunt de Capitulo. Ricciull. de iure person. l. 1. cap. 13. nu. 57. aliàs minimè, neque Capellani in Cathedrali. *ibid.*
- 4 Etiam Canonici prædicti, exempti, te-

- nantur coram Episcopo, & Capitulo, decisum refert Garz. part. 3. cap. 3. n. 21.
- 5 Item Canonici Regulares Cathedralium à die electionis, seu à quo admittuntur ad participationem massæ capitularis. decisum refertur. *ibid.* num. 16.
- 6 Sede Vacante non sufficit fieri coram Capitulo, sed coram eius Vicario Capitulari. Garz. *ibid.* num. 27.
- 7 Si Episcopus, vel Vicarius fuerit in capitulo, sufficit, quod ibi semel emiserint coram iis. decisum refert Garz. *ibid.* num. 24.
- 8 Non tenentur Coadiutores Canonorum, aut Dignitatum, nisi cum factus fuerit successioni locus. Garz. p. 4. c. 5. num. 76.
- 9 Neque tenentur in Capitulo facere Canonici, & Dignitates Collegiatarum. decisum refert Garz. part. 3. cap. 3. nu. 13.
- 10 Sed sufficit, vt faciant coram Vicario, etiam Episcopo non impedito. Garz. *ibid.* num. 23.
- 11 Commendatarii tenentur, sicuti veri beneficiati. Garz. part. 4. cap. 5. num. 20.
- 12 Item Vicarii perpetui. Ricciull. de iure person. lib. 1. cap. 13. n. 12.
- 13 Item Vicarii temporales Ecclesiarum curatarum. idem cap. 14. num. 1.
- 14 Non ii, qui sine proprio titulo deputantur ad animarum curam. idem cap. 13. num. 59.
- 15 Neque ille, qui obtinuit Ecclesiam aliàs curatam, sed desitit habere Parochianos idem. cap. 14. num. 2.
- 16 Tenentur autem post adeptam possessionem. idem nu. 50. & eam pacificam per menses duos. idem num. 62.
- 17 Non excusat ignorantia Concilii Trid. idem nu. 47. licet excusare posset ignorantia Bullæ Pii IV. vel si putaret in ea se non comprehendi. idem num. 46.
- 18 Solet tamen Apostolica Sedes in casibus ignorantia remittere pœnam. idem num. 49.
- 19 Beneficiati omnes, & ii, qui in Synodo Diocesana conuenire debent, fidei, professionem faciant in prima Synodo, cui adfuerint. Trid. sess. 25. cap. 2.
- 20 Omnes ii, ad quos vniuersitatum, & studiorum cura, visitatio, & reformatio pertinet, diligenter curent, vt Decreta Concil. Trid. integrè recipiant, & ad eorum